



## QYTETI I SHKUPIT

Në bazë të Programit të aktiviteteve nga fusha e mbrojtjes së mjedisit jetësor dhe natyrës në territorin e Qytetit të Shkupit për vitin 2020 („Lajmëtari Zyrtar i Qytetit të Shkupit” nr. 01/20), Qyteti i Shkupit shpall:

### THIRRJE PUBLIKE

#### **për subvencionimin e qytetarëve dhe subjekteve të tjera në territorin e Qytetit të Shkupit për pastrimin e oxhaqeve për vitin 2020**

#### **1. Përshkrimi i Thirrjes publike**

1.1 Problemi kryesor në fushën e mbrojtjes së mjedisit jetësor, me të cilin ballafaqohet Qyteti i Shkupit, është cilësia e keqe e ajrit ambiental në qytet, veçanërisht grimcat partikulare (PM10 dhe PM2,5). Një nga arsyet kryesore për emetimin e këtyre grimcave është ngrohja e objekteve që nuk janë të lidhura me ngrohjen qendrore, para së gjithash, për shkak të djegies jo të plotë dhe joadekuate të drurëve të zjarrit, cilësisë joadekuate të drurëve dhe mënyrës së ruajtjes së tyre dhe përdorimit të stufave të vjetra, të amortizuara dhe teknikisht të parregullta, si dhe nga pastrimi dhe mirëmbajtja jo e rregullt e oxhaqeve.

Masa ka si qëllim arritjen e efekteve afatshkurtra dhe disa efekteve afatgjata:

- Arritja e djegies më të mirë,
- Reduktimi i gazrave të dëmshëm,
- Reduktimi i blozës,
- Mbrojtja nga zjarri,
- Zvogëlimi i shpenzimeve për ngrohje;
- Mbrojtja e mjedisit jetësor dhe natyrës, dhe
- Ngritja e vetëdijes publike të qytetarët për nevojën e pastrimit të oxhaqeve.

1.2. Në Thirrjen publike për kompensimin e një pjese të shpenzimeve të qytetarëve dhe subjekteve të tjera për pastrimin e oxhaqeve mund të marrin pjesë persona fizikë dhe juridikë vendbanimi i të cilëve, përkatësisht selia ndodhet në territorin e Qytetit të Shkupit.

1.3. Thirrja publike do të zgjasë nga data 01.01.2020 deri më 30.11.2020, dhe do të realizohet sipas parimit „I ardhuri i parë, shërbehet i pari”, përkatësisht deri në realizimin e mjeteve të parashikuara për këtë qëllim në Buxhetin e Qytetit të Shkupit për vitin 2020.

1.4. Thirrja publike është shpallur në ueb-faqen e Qytetit të Shkupit ([www.skopje.gov.mk](http://www.skopje.gov.mk)), në mediet e shtypura dhe elektronike.

#### **2. Kriteria për pjesëmarrje në Thirrjen publike:**

Aplikuesi është e nevojshme të plotësojë kriteret e mëposhtme për pjesëmarrje në thirrjen publike:

- Të jetë banor i qytetit të Shkupit (komunat në qytet: Aerodrom, Gazi Baba, Kisela Voda, Karposh, Çair, Shuto Orizari, Qendër, Gjorçe Petrov, Butel, Saraj), pikërisht objekti i personit juridik të jetë me adresë në territorin e Qytetit të Shkupit;
- Adresa e pastrimit të realizuar të përputhet me adresën e letërnjoftimit të aplikuesit përkatësisht me adresën e selisë së subjekteve tjerë;
- Objekti ku do të pastrohet oxhaku të mos jetë në fazën e ndërtimit dhe në të të jetohej/të kryhet aktivitet;
- Pastrimi i oxhakit të jetë kryer nga profesionist i punësuar në firmë të regjistruar me shifrën e veprimtarisë 81.22 në përputhje me Klasifikimin kombëtar të veprimtarive, dhe
- Të posedojë vërtetim në origjinal dhe kupon fiskal origjinal për kryerjen e pastrimit të oxhakit.

### **3. Mënyra e aplikimit në Thirrjen publike**

3.1. Të drejtë për pjesëmarrje në këtë Thirrje publike kanë banorët e qytetit të Shkupit, si dhe personat juridikë të cilët kanë objekte afariste në komunat: Aerodrom, Gazi Baba, Kisela Voda, Karposh, Çair, Shuto Orizari, Qendër, Gjorçe Petrov, Butel, Saraj, të cilët do të pastrojnë oxhakun në vendbanimin e tyre ose objektin afarist në territorin e Qytetit të Shkupit dhe do të depozitojnë kërkesë për shfrytëzimin e të drejtës për kompensim.

3.2. Për kompensimin e një pjese të shpenzimeve dhe konfirmimin që kriteret për pjesëmarrje janë plotësuar, aplikuesi pranë Qytetit të Shkupit duhet të depozitojë dokumentet e mëposhtme:

- **Kërkesë për kompensim (Kërkesa mund të merret në Arkivin e Qytetit të Shkupit ose të shkarkohet nga faqja e internetit të Qytetit: [www.skopje.gov.mk](http://www.skopje.gov.mk));**

- **Dëshmi që është banor në qytetin e Shkupit: Fotokopje e letërnjoftimit ose pasaportës;**

-**Fotokopje e llogarisë së transaksionit/xhiro llogarisë;**

- **Dëshmi për subjekt afarist: Gjendja aktuale jo më e vjetër se 6 muaj;**

- **Vërtetim origjinal për realizimin e pastrimit të oxhakit, të nënshkruar nga personi profesionist që ka pastruar oxhakun dhe**

- **Llogari fiskale origjinale nga firma e regjistruar për veprimtarinë pastrim i oxhaqeve (shifra 81.22 në përputhje me Klasifikimin kombëtar të veprimtarive).**

3.3. Vërtetimi për realizimin e shërbimit duhet të jetë lëshuar:

- Për persona fizikë në adresën në të cilën jeton aplikuesi, pikërisht në të njëjtën adresë banimi që është në letërnjoftim.

- Për personat juridikë në adresën e objektit afarist të subjektit juridik për të cilin ka të bëjë gjendja aktuale;

3.4. Vetëm një person nga familja mund të depozitojë kërkesë për marrjen e kompensimit.

3.5. Personat juridikë mund të depozitojnë vetëm një kërkesë.

3.6. Kërkesa për shfrytëzimin e së drejtës për kompensimin e një pjese të shpenzimeve së bashku me dokumentacionin e nevojshëm, duhet të depozitohen në zarf të mbyllur pranë Qytetit të Shkupit në adresën bul. "Ilinden" nr. 82, në Arkivin e Qytetit të Shkupit, çdo ditë pune nga ora 08:30 deri në orën 15:00.

3.7. Në zarf duhet të qëndrojë: **Thirrje publike për subvencionimin e qytetarëve dhe subjekteve të tjera në territorin e Qytetit të Shkupit për pastrimin e oxhaqeve për vitin 2020**

#### **4. Mënyra e realizimit të së drejtës së kompensimit**

4.1. Kryetari i Qytetit të Shkupit, me propozim të Komisionit sjell Aktvendim për miratimin e kërkesës dhe kompensimin e një pjese të shpenzimeve të bëra gjatë pastrimit të oxhakut me vlerë neto 1.200 denarë, për aplikues i cili ka plotësuar kriteret e kësaj thirrjeje publike.

4.2. Kryetari i Qytetit të Shkupit me propozim të Komisionit me Njoftim informon aplikuesin se kërkesa e depozituar nuk është miratuar nëse nuk plotëson kriteret e kësaj thirrjeje publike.